

CONVOCATORIA DIVULGANDO O NOSO

A Unidade de Divulgación Científica e Cultural (UDCC) da Universidade da Coruña (UDC), co fin de contribuír á difusión dos resultados de investigación do seu persoal investigador publica, as bases da Convocatoria *Divulgando o noso*.

1. OBXECTO

O obxecto desta convocatoria é colaborar co persoal investigador da UDC para trasladar ao público contidos do seu labor de investigación a través do deseño de infografía científicas que poidan expoñerse en instalacións da universidade, nas súas redes sociais e coa posibilidade tamén da súa difusión noutros medios en colaboración con outras institucións como concellos, museos etc.

Trátase de trasladar ao público a ciencia do noso tecido investigador que pode existir detrás de fenómenos ou obxectos cotiáns, das ferramentas tecnolóxicas que se usan diariamente etc. que sexa de interese para a cidadanía e a sociedade actual.

Esta iniciativa contribuirá a mellorar a cultura científica, técnica e innovadora da sociedade e a percepción que a cidadanía teña do labor de investigación que se realiza na UDC.

2. PERSOAS BENEFICIARIAS

As persoas beneficiarias poden ser calquera persoa investigadora da UDC (persoal docente e investigador ou persoal investigador como figuras predoutorais, posdoutorais etc.) que participe ou promova accións que contribúan a fomentar a cultura científica, tecnolóxica e innovadora na sociedade.

3. OBRIGAS DAS PERSOAS BENEFICIARIAS

1. As persoas beneficiarias deberán de colaborar coa UDCC na proposta para o deseño e elaboración da infografía (xuntanzas co equipo de deseño e creativo, supervisar a realización do seu traballo e analizar o resultado final), colaborar na xestión para a súa difusión (asistir a presentacións, se é o caso etc.), así como na organización doutras actividades paralelas que se poidan demandar como obradoiros, charlas etc.
2. Tamén deben de proporcionar toda a documentación necesaria e detallada que se require na solicitude da proposta desta convocatoria ou outras demandadas durante o proceso de elaboración.
3. As persoas solicitantes deberán ter dispoñibilidade e un compromiso para estas tarefas durante o mes de abril, maio e xuño onde se poderá demandar a súa colaboración tanto para o deseño como para outras actividades asociadas a esta actividade que poidan xurdir polas entidades colaboradoras se son demandadas. A falta destes compromisos e responsabilidades pode repercutir na desistencia da solicitude.

4. CONDICIÓN DE EXECUCIÓN DA ACTIVIDADE

1. A UDCC asumirá o gasto derivado do deseño da infografía demandada.

2. A participación das persoas investigadoras será recoñecida explicitamente nos materiais que se presenten ao público e obterá unha certificación da súa participación.

5. PRESENTACIÓN DE SOLICITUDES

1. As solicitudes deberán ir dirixidas á Sección de Extensión Universitaria da UDC e axustarse ao ANEXO I: Formulario de solicitude que acompaña esta convocatoria.
2. Presentaranse preferentemente no Rexistro Electrónico da UDC (https://sede.udc.gal/services/telematic_register), no Rexistro Xeral da Universidade da Coruña (Mestranza, 9, 15001 A Coruña) ou nos rexistros auxiliares do campus da Coruña (A Zapateira-Elviña, Local nº1 (baixo) da Facultade de Ciencias, Campus de A Zapateira) ou do campus de Ferrol (rúa Dr. Vázquez Cabrera s/n, Esteiro, 15403 Ferrol). Así mesmo, poderán presentarse por calquera dos procedementos previstos no artigo 16.4 da Lei 39/2015, do 1 de outubro, de procedemento administrativo común das administracións públicas.
3. As solicitudes presentaranse polo persoal investigador da UDC.
4. O prazo comezará o día seguinte á data de publicación da convocatoria na Sede Electrónica da UDC **ata as 14:00 horas do día 20 de abril de 2023**.
5. A participación nesta convocatoria implica a aceptación íntegra das bases. Calquera eventualidade non prevista nelas será resolta pola Comisión de Avaliación.

6. AVALIACIÓN E SELECCIÓN

1. O procedemento de avaliación das solicitudes realizaranse nunha única fase, logo de que as persoas solicitantes acheguen a información necesaria para avaliar a proposta conforme os requisitos da convocatoria.
2. A avaliación da solicitude realizarase por unha comisión de avaliación, mediante a comparación das solicitudes segundo os criterios establecidos.
3. A Comisión de Avaliación estará composta polas seguintes persoas:

Presidenta:

Cristina López Villar, vicerreitora de Igualdade, Cultura e Deporte da UDC ou persoa en quen delegue.

Vogais:

Eva Montenegro Piñeiro, técnica de Difusión e Sostibilidade do Museo Nacional de Ciencia (MUNCIT).

Patricia Barciela Durán, directora da DOMUS_Museos Científicos Coruñeses.

Secretaria:

M.^a Cristina Naya Riveiro, coordinadora da Unidade de Divulgación Científica e Cultural.

A Comisión de Avaliación poderá contar co asesoramento técnico que precise para a avaliación das solicitudes

4. Quedará excluído da avaliación toda solicitude que non se axuste aos obxectivos xerais da convocatoria.
5. A decisión da comisión de avaliación é inapelable.

7. CRITERIOS DE VALORACIÓN DE SOLICITUDES

Os criterios de valoración das solicitudes son:

- a) Interese da proposta para a cidadanía.
- b) Claridade no obxectivo e descrición da proposta.
- c) Viabilidade do deseño.
- d) Uso da lingua galega nos textos ou lendas que formen parte da infografía.
- e) Introducción da perspectiva de xénero.

8. RESOLUCIÓN

A UDCC, á vista do informe da Comisión de Avaliación, publicará na Sede Electrónica da UDC as solicitudes seleccionadas.

9. PROTECCIÓN DE DATOS

En cumprimento do artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos (Regulamento xeral de protección de datos, RXPD), e do artigo 11 da Lei orgánica 3/2018, do 5 de decembro, de protección de datos persoais e garantía dos dereitos dixitais (LOPD), informámolo/a de que os datos que a persoa interesada facilite mediante a concorrencia a esta convocatoria serán tratados baixo a responsabilidade da Universidade da Coruña (UDC), cuxos datos de contacto son: rúa da Mestranza 9, 15001 A Coruña, teléfono 981 167 000, correo electrónico secretariaxeral@udc.gal.

Mediante a concorrencia a esta convocatoria, a persoa interesada consente expresamente a publicación dos seus datos na resolución da solicitude no Taboleiro Oficial da Sede Electrónica da UDC, na forma prevista na disposición adicional sétima da LOPD.

A resolución desta convocatoria permanecerá publicada no dito taboleiro. Os datos persoais serán conservados mentres resulten necesarios para as finalidades do tratamento e, en todo caso, durante os prazos establecidos pola lexislación vixente, sen prexuízo do previsto en relación co exercicio do dereito de supresión e outros dereitos recollidos na LOPD. A persoa interesada consente o tratamento dos datos para os efectos de cumprir coa finalidade descrita nesta convocatoria, e terá dereito a retirar o seu consentimento en calquera momento, sen efectos retroactivos. Ten dereito a solicitar ao responsable do tratamento, en calquera momento, o acceso, a rectificación ou a supresión dos seus datos persoais e a limitación do seu tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos. Estes dereitos poderaos exercer da seguinte maneira:

- a) Prioritariamente, a través do formulario para o exercicio dos dereitos en materia de protección de datos persoais, que figura na Sede Electrónica da UDC, <<https://sede.udc.gal>>, no apartado “Outros trámites”;
- b) Mediante unha solicitude por escrito ao responsable do tratamento dos datos (Secretaría Xeral), dirixida ben ao enderezo Secretaría Xeral, Reitoría da Universidade

da Coruña, rúa da Mestranza 9, 15001 A Coruña; ben ao correo electrónico <rpdc@udc.gal>. Tamén se poderá presentar esta solicitude a través do rexistro telemático da Sede Electrónica da UDC ou nos rexistros presenciais da UDC.

c) Mediante unha solicitude por escrito dirixida á persoa delegada de Protección de Datos, ben ao mesmo enderezo postal anteriormente indicado, ou ben ao correo electrónico <dpc@udc.gal>. Tamén se poderá presentar esta solicitude a través do rexistro telemático da citada sede electrónica ou os rexistros presenciais da UDC.

Así mesmo, ten dereito a presentar unha reclamación ante a Axencia Española de Protección de Datos (AEPD).

Asinado dixitalmente

Cristina López Villar

A vicerreitora de Cultura, Deportes e Igualdade

ANEXO I: FORMULARIO DE SOLICITUDE

Nome e apelidos da persoa solicitante:

Correo electrónico:

Número de teléfono de contacto (móbil):

— Título da proposta para a infografía (procurarase que sexa atractivo e que garde a esencia da infografía nun máximo de 5 palabras):

— Obxectivo que tenta conseguir a infografía (concrétese):

— Proposta do deseño da infografía (que inclúa a descrición que debería representar a infografía: o seu texto, a proposta de imaxes etc., máximo de 250 palabras).